

Ein schön newes

Geistliches Lied / Ach

Gott was sol ich singen / mein
sreud die ist mir fern / etc.

Ich send Im Thon: *de. ein. morgen*

Ich stand an einem Morgen / etc.



Faint, illegible text at the top of the page, possibly a title or header.

Second line of faint, illegible text.

Third line of faint, illegible text.

Fourth line of faint, illegible text.



1.
O Gott was solich singen/
V mein freud die ist mir fere:
Mein Sünd die thün mich drin-
gen/die zeyt gahet schon daher. Got
verleich mir sein genad / der wurde
mich nicht verlassen / Allzeyt frū
vnd auch spatt.

2.

Auff dich setz ich mein grun-
de / vnd all mein zuuersicht : Thā
ich das nicht von hertzen / so hilffte
mich leider nicht. O Gott du kennst
das hertz mein / du wirst mich nie
verlassen / wirst mir genedig sein.

3.

Mein Sünd die seind mir
2 4 6 harte/

harte / reuöen mich von Herzen
grundt : Ach Gott nun heil mich
Armen / mein Hertz ist gar ver-
wunde. Kom̄ mir zu hilff mit dei-
nem Geyst / der mich darinn thüt
trösten / vnn̄d trewlich vnder
weist.

4.

E Das bitt ich dich von hertzen/
du Edler Schöpffer mein : Wend
mir mein grossen schmerzen/mach
mich ein Diener dein. Hülf mir O
Herr auß aller noht / das nit verlo-
ren werde / an mir dein bitter todt.

5.

E Sonst kan mir niemand helf-
fen /

sen / dann der Allmechtig Gott:
Der für vns hat gelitten / Marter
vnd grossen spott. Wol von den
Juden ein grosse noht / für vnns
war er gegeben / vergoß sein Blüt
so rodt.

6.

Gott ist allein der rechte / der
mich erschaffen hat: Vnd hat mir
zuuergeben / alle mein Missethat.
Die ich wider ihn hab gethan / ich
traw dir Gott von Himel / Du
wirfst mich nicht verlahn.

7.

O du heiliges leiden / du ware
de Gottheit fron: Tröst mich hie

A ij ar

men Sünder/ vnd thū mir bey ge-
stahn. Vnd verleich mir hie ein se-
ligs ende / hilff das ich mög empfa-
hen/ das heylig Sacrament.

8.

Mit einem rechten glauben /
mit einem festen grundt: Ach Gott
tröst du mich Armen / inn meiner
letzten stund. Vnd nimb mein Seel
in deine Hand / Wann sie von mir
thüt scheyden / an meinem letzten
end.

9.

Alde alde mit freuden / auf
diesem jammerthal : Will ich mich
gehin scheyden / komien zu Chrustus
mahl.

mahl. Der vnns allsande geliebet
hat/er will vns nicht verlassen/all
zeyt frū vnd auch spat.

10.

Wer ist der vns das Liedlein
sang/frisch new gesungen hat: Das
hat gethan ein Webers Knab/ Got
verleich im sein genad. Also für
er zu Gott sein klag / zu Ems
wol in dem Thuren / da er
gefangen lag.



Gedruckt zu Augspurg /
durch Josias Werli/bey dem
heyligen Creutz.

[um 1580] 90

Handwritten text, likely bleed-through from the reverse side of the page.

10

Handwritten text, likely bleed-through from the reverse side of the page.



Handwritten text, likely bleed-through from the reverse side of the page.